

# Kantonalni sud prihvatio prijedlog sarajevskog Tužila ištva **ČENGIĆEVA** **GRUPA OSTAJE** **U PRITVORU**

• Telefoni i 250 umjetničkih slika poslati na vještačenje • Zatraženo da se Senadinu Didiku, Kemalu Elkazu, Anidi Kunić, Emiru Ljuci, Adisu Skorupanu i Emiru Smailbegoviću ukinu mjere pritvora



Vijeće Kantonalnog suda Sarajevo prihvatilo je prijedlog Tužilaštva KS-a da se Alenu Čengiću, Adnanu Hadžibajriću, Mehmedu Puškiću, Vahidu Aliću i Jasminu Kulenoviću, koji su u akcijama SIPA Coral i Tango uhapšeni 8. oktobra 2015. godine, produži pritvor za još tri mjeseca. Oni su u pritvoru već proveli tri mjeseca, a kako je istaknula tužiteljica Jasmina Iftić, Tužilaštvo je uputilo prijedlog Sudu za produženje pritvora 30. decembra iz nekoliko razloga, a među prvima je istraga koja još traje.

## Važni razlozi

Tužilaštvo KS-a smatra da bi puštanje na slobodu optuženih uveliko ometalo istragu, da bi mogli uticati na svjedoke ili počinuti krivična djela koja im se stavljaju na teret, kao i da bi njihovo puštanje izazvalo uznemirenje u javnosti. Podsjećamo, u akciji SIPA, u kojoj je uhapšeno ukupno šesnaest osoba, jedanaest njih se sumnjilo za utaju poreza, pružanje otpora, tešku krađu, dok se pet osoba teretilo za navođenje na prostituciju. Tužilaštvo je jučer obavijestilo Sud da je uputilo prijedlog za ukidanje pritvora Senadinu Didiku, Kemalu Elkazu, Anidi Kunić i Emiru Ljuci, koji se sumnjice za navođenja na prostituciju, te Adisu Skorupanu i Emiru Smailbegoviću, koji je uhapšen u akciji Coral.

Čengić, bivši vlasnik hotela Holiday resort Sarajevo i vlasnik restorana Park prinčeva, sumnjiči se da je kao organizator kriminalne grupe, zajedno sa ostalim osumnjičenima, počinio gore navedena krivična djela u periodu kada je Holiday resort Sarajevo koristio prostorije hotela Holiday Sarajevo u stečaju, a koje su bili primorani napustiti po rješenju Kantonalnog suda u junu 2015. godine.

Tužiteljica Iftić kazala je kako je do sada saslušano 60 svjedoka, oduzeti su telefoni koji su poslani na vještačenje, a zaplijenjeno je i 250 umjetničkih slika koje su također poslate na vještačenje, kako bi se utvrdilo da li je riječ o originalima ili falsifikatu.

Sutkinja Adisa Zahiragić nekoliko puta je zatražila od tužiteljice da naglasi koji su to "posebno važni

Page: 8

Reach: 0

Country: BOSNIA AND HERZEGOVINA

Size: 387 cm2

2 / 2

razlozi" za produženje pritvora za još tri mjeseca, napomenuvši da je Tužilaštvo do sada govorilo o osnovanoj sumnji. Sutkinja je više puta tužiteljicu upozorila da ovo ročište nije suđenje, nego iznošenje prijedloga.

Obrana petorice osumnjičenih kazala je da je prijedlog Tužilaštva o produženju pritvora neosnovan, naglasivši da su svjedoci saslušani, a materijali izuzeti, te da ne postoji način da osumnjičeni vrše uticaj na svjedoke ili izuzmu materijale.

- Moj branjenik se spominje u samo tri rečenice, u prijedlogu od 75

stranica, kazao je Omar Mehmedbašić, koji brani Kulenovića.

Nermin Vila, koji uz Senku Nožicu brani Čengića i Puškića, rekao je da Tužilaštvo bez nalaza vještačenja pokušava prikazati "osnovanu sumnju". Nožica je postavila pitanje i Sudu i Tužilaštvu: "Šta je radilo Tužilaštvo sve ove godine protiv onih koji su hotel Holiday Sarajevo doveli u stečaj?". I ona je dodala da tužiteljica nije navela posebne važne razloge za pritvor. Kako je kazala, Tužilaštvo "sve vrijeme paušalno navodi da je riječ o organizovanom kriminalu".

### **Mašina za krompir**

Advokat Vahida Alića Jasmin Muratović ponovio je kako njegovog branjenika terete za krađu mašine za krompir koja košta 100 eura.

- To nije tačno. Alić je mašinu uzeo i prebacio je u drugu kuhinju zbog povećanog broja gostiju, rekao je Muratović, te zatražio da se Alić pusti na slobodu.

Vijeću Suda obratio se i sam Alić, kazavši da "nema nijednu mrlju u karijeri, da je RVI, dobitnik Plakete zlatnog štita, te predsjednik Zelenih beretki". **E. GODINJAK**